

天一閣藏明代方志選刊

天一閣藏明代方志選刊

仁化縣志

一九六三年七月上海古籍
書店據寧波天一閣藏明藍
絲闌鈔本景印原書版框高
二一·五公分寬一九·二公分

嘉靖仁化縣志

脩誌氏族

教諭

胡居安

訓導

張守一

陳汝昌

廩膳生員

葉鸞

譚贍

葉惟松



增廣生員

譚邦臣

葉馨膏

劉沛然

附學生員

劉應時

董夢潮

昔龍飛嘉靖丁巳孟春之吉重修

卷之一

建置

星野附

疆域

山川

形勝

城池

井泉

陂塘蒲州 坊都 舖舍 津梁 關隘

卷之二

田糧 課程 戶口 徭役 軍屯

土產 風俗 氣候 災祥

卷之三

歷官 公署 學校 名宦 仰賢

壇壝 教場 貢賦 兵制 坊表

墳墓

卷之四

進士 特奏 鄉舉 歲貢 例貢

脩誌氏族

教諭

胡居安

訓導

張守一

陳汝昌

廩膳生員

葉鸞

譚贍

葉惟松



三國屬吳黃武五年以曲江屬廣州其露元年分桂陽南海郡
地置始興郡晉大康中平吳遂以始興郡屬廣州仍統曲江永
嘉元年分始興桂陽南海等九郡置湘州咸和三年復以始興
郡屬荊州齊復以始興隸廣州曲江因之隋開皇九年省諸郡
於始興郡置廣州唐高祖武德肆年分廣州之曲江始興樂昌
翁源置韶州唐垂拱肆年始以仁化光宅清化潼陽肆鄉置仁
化縣隸韶州宋開寶伍年省入樂昌縣咸平叁年復置爲仁化
縣治於光宅鄉元末寇毀

國朝改韶州路爲府仁化仍屬焉

疆域

東西廣一百六十里南北袤一百三十五里

東抵保昌縣界五十里

西抵樂昌縣界六十里

南抵曲江縣界一十五里

北抵桂陽縣界一百二十里

東南抵曲江縣界一十里

西南抵曲江縣界七十里

東北抵大庾縣界一百二十里

西北抵宜章縣界一百七十里

自縣治達府城陸路八十里水路一百二十里

山川

康石山在縣北二十里勢連柳陽吳竹嶺來元志云罅中有谿

竿俗傳黃巢過此所投至今不朽山頂有石井泉清不竭

龍山在縣治北一里脉接黃嶺形如盤龍故名龍山

駱駝山在縣治東一里下臨深潭盤繞縣治

涼傘山在縣治南十里形如涼傘與錦石巖對峙

筆架山在縣東五十里三峯寺立如筆架

白星山在縣西南五十里脉接大庾嶺舊志經云唐武德中有

星墜山頂光如曳練

吳竹嶺在縣西北六十里勢在桂陽來與黃嶺大山對峙舊志

云越王勾踐滅吳王其子孫避難于此山下有溪亦
名吳溪

五臺山在縣西三十里高五十餘丈週廣十里止有一巖深
闊四丈許巖前有仙人跡

雲臺山在縣東北八十五里

黃嶺在縣西六十里縣治之山祖與吳竹嶺青嶺對峙巖抵
界樂昌桂陽

漸溪山在縣西四十里

長江嶺在縣北七十里

青嶺在縣西北五十餘里勢連吳竹嶺來與黃嶺對峙山下即

吳溪水

烏髻髮嶺在縣北一百二十里高三百餘仞

紫嶺在縣東北五十里挺然獨聳二水合流四山環抱

思溪嶺在縣北七十里高聳地接桂陽前有蓮花嶺左有羅帶

水環流右有文華峰峙立

楓坑崗在縣南三十里上多楓樹舊有登禪院

七還遷在縣西七十里遷長七里抵界樂昌縣

赤石遷在縣西北三十里路通桂陽界

柘石在縣西三十里高三丈許週圍百步上多桎木

毛軍石在縣西南二十餘里高五丈餘週圍十五里平地突起

簇簇如林高低異勢故名屯軍又名石林

潼峽石在縣西南六十里二石對峙潼水經其間故名石上有

巨人跡

觀音石在縣西南四十里高六十餘丈週圍伍里如觀音跌坐
之象其下澄江環繞舟行上下見之

祥龜石在縣南拾里高五十餘丈週圍十里半壁有石室深貳
丈闊叁丈舊時有漁人於江上遙見一僧安坐人皆異
之後數日莫知所之石座尚存

紗帽石在縣北六十里河中一石獨傑形如紗帽

馬鞍石在縣北陸拾里河中一石出形如馬鞍

三門石在縣北薩拾里河中二石橫過三門通舟上下

書堂巖在縣南拾里壁立千仞巖實隱見有木橫縮狀如書案

舊傳余家公嘗讀書於此都御史朱英有詩

雙門石在縣西貳拾伍里平地突起參石間分雙門

獅子巖在縣西南貳拾里與錦巖相峙形如獅子上有參巖下

有石庵山頂芝蘭芬郁石磴可攀亦仁陽勝境也巖前

田租肆拾石今入本縣儒學知縣嚴時中爲之記刻

石于戟門之右

青雲峯在縣北七十里高聳凌雲四山環拱

龜頭石在縣南貳里山側一石突出形如靈龜下臨湏水

錦石巖在縣南拾柒里巖下爲錦石溪巖有四中大巖深闊

丈西一巖深闊伍丈東一巖深闊肆丈又東一巖深闊

貳丈餘其徑彎環直上千餘級夾道松杉高凌霄漢石

壁石五色間生鋪錦綺多如梅花之形四時變態

自唐宋暨五代時僧伽憇此並無崇構相傳南宋政

和間有僧法雲見茲山奇恠嘆曰半生在夢裏過了

今日如覺清虛迥聚衆建庵而錦巖之名始著進士曲

江卸嘉猷記又有淳熙中蒙天民求雨應驗記成化參

年曲江朱道祚砌石欄成化陸年鄉民劉以寬砌石欄

教諭馮浩記成化拾陸年住持僧淨壽募緣重建知

府王賓記嘉靖拾玖年知府符錫建崇仙亭於巖下建
廳宇叁間於巖前扁曰紫府清都仁陽一方之勝境也
登覽者多書題附錄于後

會湏水在縣西壹里源出縣治後石竅中水清且甘南流與縣
南水合

潼陽水在縣西叁拾餘里源出黃嶺及青嶺下並縣西水源也
南流伍拾里與縣東南大河潼口水合

吳溪水在縣西北伍拾里源出吳竹嶺經唐村東南流壹百里
與縣東大河水合世傳越王勾踐滅吳子孫有避難于
此者故名